

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 066785 24 K
Dana: 29.08.2025. godine

U IME FEDERACIJE BIH!

Općinski sud u Tešnju, po sudiji Besimi Ajanović, uz učešće zapisničara Hadžan Ninele, u krivičnom predmetu protiv optuženog R. S. sin I., nastanjen u J. broj 257, sa prebivalištem u SR Nj., I. S. broj 10, 83026 R., zbog počinjenog krivičnog djela „Ugrožavanje sigurnosti“ iz člana 183. stav 1. u vezi sa članom 55. KZ F BiH, povodom optužnice Kantonalnog tužilaštva ZE-DO kantona Zenica broj: T04 0 KT 0048664 23 od 13.09.2024. godine, nakon održanog glavnog i javnog pretresa dana 22.08.2025. godine u prisutnosti Kantonalne tužiteljice Rasme Baždalić, optuženog R. S. lično i branioca Prnjavorac Fuada advokat iz Tešnja, dana 22.08.2025.godine u prisutnosti KT Zenica, optuženog i njegovog branioca, donio i javno objavio sljedeću:

P R E S U D U

R. S., sin I. i majke S. rođ. J., rođen godine u J., općina T. gdje je i nastanjen J. 257, sa prebivalištem u SR Nj. I. S. broj 10, 83026 R., pismen, sa završenom SSS, po zanimanju mašinski tehničar, samostalni zanatlija, neoženjen, srednjeg imovnog stanja, vojsku služio 1986. godine Bijela crkva-Srbija, vodi se u vojnoj evidenciji OMO Tešanj, Bošnjak, državljanin BiH, JMB: ..., neosuđivan,

K R I V J E

što je,

1. dana 05.03.2022. godine oko 14,40 sati, na području M., općine D. J., dok se R. A. i njegova supruga Ć. A. nalazili u vozilu i kretali putem M17, nazvao istog na video poziv na njegov mobilni telefonski aparat broja: ..., te uputio riječi prijetećeg sadržaja: „Kunem ti se mrtvom majkom za 24 sata ne budeš li to ispravio, kunem ti se mrtvom majkom bit će ti slomljene i noge i ruke, slobodno sebi snimi i idi u policijsku stanicu, nazvao sam te ja i ne budeš li to ispravio za 24 sata biće ti slomljene i noge i ruke. Ja sam taj nalogodavac je li ti jasno. 24 sata iz zemlje mi nećeš pobjeći a sad ćeš vidjeti evo kažem ti za sat vremena samo mi reci gdje si, a ne trebaš mi kazati i gdje si vidjet ćeš sada sa kim si se zamjerio“, nakon čega je prekinuo razgovor, iako je znao i bio svjestan da upućivanjem ovakvih riječi kod oštećenog može izazvati strah za vlastiti život, to i htio, a koje prijetnje su kod R. A. izazvale osjećaj straha, ugroženosti i uznemirenosti, zbog čega je događaj isti prijavio PS Maglaj oko 16,00 sati,

dakle, ugrozio sigurnost neke osobe, ozbiljnom prijetnjom da će napasti na život ili tijelo te osobe,

2. u vremenskom periodu od 21.04.2022. godine, pa do 17.06.2022. godine u M., nakon što je oštećeni R. A. potpisao ugovor kod notara u B., a vezano za imovinu zbog koje su imali problema, uputio A. ozbiljnu prijetnju rekavši mu da mora otići u policijsku stanicu Matuziće-Doboj Jug i da mora povući svoju izjavu od 05.03.2022. godine kojom ga je prijavio za ugrožavanje sigurnosti i ukoliko ne povuče svoju izjavu rekao da će imati problema, iako je znao i bio svjestan da upućivanjem ovakvih riječi kod oštećenog može izazvati strah, to i htio, a što je R. A. shvatio kao ozbiljnu prijetnju i koja prijetnja je kod R. A. izazvala osjećaj straha za vlastiti život, zbog čega je protiv svoje volje dana 17.06.2022. godine pristupio u policijsku stanicu Matuziće-Doboj Jug i dao izjavu sa sadržajem: „Ja sam dana 05.03.2022. godine u policiji u M. prijavio svog amidžu R. S. koji povremeno živi u SR Nj., zbog prijetnji koje mi je on uputio u našem razgovoru dana 05.03.2022. godine oko 14,40 sati. S tim u vezi, pod punom krivičnom i materijalnom odgovornošću, bez ikakvog pritiska, ucjene i nagovora bilo koga da to uradim, izjavljujem da ovom izjavom želim da povučem prijavu koju sam podnio protiv svog amidže S.“, o čemu je sačinjen i zapisnik PS Doboj Jug broj: 08-02-11/2-03-2-7-1-05-1/22 od 17.06.2022. godine,

dakle, ugrozio sigurnost neke osobe, ozbiljnom prijetnjom da će napasti na život ili tijelo te osobe,

čime je počinio produženo krivično djelo „Ugrožavanje sigurnosti“ iz člana 183. stav 1. u vezi sa članom 55. KZ F BiH, pa mu se na osnovu istih Zakonskih odredaba i uz primjenu od člana 49. i člana 62. KZ FBiH izriče

UVJETNA OSUDA

Kojom se optuženom R. S. sin I., nastanjen u J. broj 257, sa prebivalištem u SR Nj., I. S. broj 10, 83026 Rosenheim, za počinjeno krivično djelo, utvrđuje kazna zatvora u trajanju od 6 (šest) mjeseci i istovremeno određuje da se ista neće izvršiti ukoliko optuženi u roku od 2 (dvije) godine i 6 (šest) mjeseci ne učini novo krivično djelo, a računajući od dana pravosnažnosti presude.

Shodno odredbi člana 199. stav 1. i 2. tačka a) ZKP-a, optuženi se obavezuje na plaćanje troškova krivičnog postupka u iznosu od 51,02 KM, te na ime paušala iznos od 50,00 KM koje optuženi dužan platiti u roku od 30 dana od dana pravosnažnosti presude.

Shodno odredbama člana 212. stav 3. ZKP FBiH oštećeni R. A. sin O. iz M. se sa imovinsko-pravnim zahtjevom upućuje na parnični postupak.

O b r a z l o ž e n j e

Kantonalno tužilaštvo ZE-DO kantona Zenica optužnicom broj: T04 0 KT 0048664 23 od 13.09.2024. godine, optužilo je R. S. sina I., nastanjen u J. broj 257, sa prebivalištem u SR Nj., I. S. broj 10, 83026 R., radi krivičnog djela „Ugrožavanje sigurnosti“ iz člana 183. stav 1. u vezi sa članom 55. KZ F BiH, počinjeno na način, vrijeme i mjesto kako je to opisano u optužnici, temeljeći optužbu na dokazima koje je Kantonalno tužilaštvo prikupilo u toku istrage i predložilo u optužnici.

Navedenu optužnicu potvrdio je sudija za prethodno saslušanje ovog suda dana 19.09.2024. godine, a na ročištu radi izjašnjenja o krivnji optuženi R. S. je izjavio da poriče krivnju, pa je i zakazan glavni pretres.

Na glavnom pretresu, koji je održan dana 22.08.2025. godine, Kantonalni tužilac je ostao u cijelosti kod ove optužnice i prijedloga za provođenje dokaza koji su predloženi u optužnici.

Optuženi je u uvodnom izlaganju u prisustvu svog branioca izjavio da je tačno da je počinio radnje opisane u optužnici, da priznaje krivnju i da je djelo počinjeno na način, mjesto i vrijeme kako je to opisano u činjeničnom opisu optužnice.

Priznanje optuženog je potpuno i u skladu sa provedenim dokazima na glavnom pretresu odnosno dokazima koji su uloženi od strane Kantonalnog tužioca radi utvrđivanja da li postoji dovoljno dokaza o krivnji optuženog a to su: Zapisnici o saslušanju svjedoka oštećenog R. A. PS Maglaj broj: 08-02-10/2-118/22 od 07.03.2022. godine, ovog Tužilaštva broj gornji od 22.06.2023. godine i PS Doboj Jug broj: 08-02-11/2-03-2-7-1-05-1/22 od 17.06.2022. godine, Zapisnik o saslušanju svjedoka Ć. A. PS Maglaj broj: 08-02-10/2-120/22 od 08.03.2022. godine, Potvrda o privremenom oduzimanju predmeta PS Maglaj broj: 06/08-02-10/2-30/22 od 25.03.2022. godine na ime R. A., Zapisnik o dobrovoljnoj predaji privremenom oduzimanju predmeta i popisu oduzetih predmeta PS Maglaj broj: 08-04/11-2-187/22 od 25.03.2022. godine, Potvrda o privremenom oduzimanju predmeta PS Maglaj broj: 66/08-02-10/2-31/22 od 25.03.2022. godine na ime Ć. A., Zapisnik o dobrovoljnoj predaji privremenom oduzimanju predmeta i popisu oduzetih predmeta PS Maglaj broj: 08-04/11-2-188/22 od 25.03.2022. godine, Naredba Općinskog suda u Tešnju broj 39 0 K 066785 22 Kpp od 20.04.2022. godine, Zapisnik o pretresanju mobilnog telefonskog aparata PS Doboj Jug broj: 08-02-11/2-03-10-3.3-02/22 od 26.04.2022. godine, Zapisnik o pretresanju mobilnog telefonskog aparata PS Doboj Jug broj: 08-02-11/2-03-10-3.3-03/22 od 26.04.2022. godine, Potvrda o vraćanju privremeno oduzetih predmeta PS Doboj Jug broj: 08-02-11/2-3-10-3.2-16/22 od 17.06.2022. godine na ime R. A., Zapisnik o izvršenoj radnji vraćanja privremeno oduzetih predmeta PS Doboj Jug: 08-02-11/2-03-10-3.2-16/22 od 17.06.2022. godine, Potvrda o vraćanju privremeno oduzetih predmeta PS Doboj Jug broj: 08-02-11/2-3-10-3.2-17/22 od 17.06.2022. godine na ime Ć. A., Zapisnik o izvršenoj radnji vraćanja privremeno oduzetih predmeta PS Doboj Jug: 08-02-11/2-03-10-3.2-17/22 od 17.06.2022. godine, Izvod iz kaznene evidencije za optuženog R. S. PS Tešanj broj: 08-02-11/1-03-10-11-6644/23. od 06.07.2023. godine, Troškovnik ovog Tužilaštva od 13.09.2024. godine.

Uvjerenje suda da je do priznanja krivnje došlo s razumijevanjem, te da je optuženi svjestan svih posljedica i obaveza koji proističu iz priznanja krivnje, te da postoji dovoljno dokaza o krivnji optuženog, pa je sud i prihvatio priznanje krivnje optuženog.

Iz naprijed navedenih dokaza a što je potvrđeno i priznanjem optuženog nesumnjivo proizilazi da je optuženi R. S. dana 05.03.2022. godine, oko 14,40 sati, na području M., općine D. J., dok se R. A. i njegova supruga Ć. A. nalazili u vozilu i kretali putem M17, nazvao istog na video poziv na njegov mobilni telefonski aparat broja: ..., te uputio riječi prijetećeg sadržaja: „Kunem ti se mrtvom majkom za 24 sata ne budeš li to ispravio, kunem ti se mrtvom majkom bit će ti slomljene i noge i ruke, slobodno sebi snimi i idi u policijsku stanicu, nazvao sam te ja i ne budeš li to ispravio za 24 sata biće ti slomljene i noge i ruke. Ja sam taj nalogodavac je li ti jasno. 24 sata iz zemlje mi nećeš pobjeći a sad ćeš vidjeti evo kažem ti za sat vremena samo mi reci gdje si, a ne trebaš mi kazati i gdje si vidjet ćeš sada sa kim si se zamjerio“, nakon čega je prekinuo razgovor, iako je znao i bio svjestan da upućivanjem ovakvih riječi kod oštećenog može izazvati strah za vlastiti život, to i htio, a koje prijetnje su kod R. A. izazvale osjećaj straha, ugroženosti i uznemirenosti, zbog čega je događaj isti prijavio PS Maglaj oko 16,00 sati, te u vremenskom periodu od 21.04.2022. godine, pa do 17.06.2022. godine u Maglaju, nakon što je oštećeni R. A. potpisao ugovor kod notara u Bihaću, a vezano za imovinu zbog koje su imali problema, uputio A. ozbiljnu prijetnju rekavši mu da mora otići u policijsku stanicu Matuzić-Doboj Jug i da mora povući svoju izjavu od 05.03.2022. godine kojom ga je prijavio za ugrožavanje sigurnosti i ukoliko ne povuče svoju izjavu rekao da će imati problema, iako je znao i bio svjestan da upućivanjem ovakvih riječi kod oštećenog može izazvati strah, to i htio, a što je R. A. shvatio kao ozbiljnu prijetnju i koja prijetnja je kod R. A. izazvala osjećaj straha za vlastiti život, zbog čega je protiv svoje volje dana 17.06.2022. godine pristupio u policijsku stanicu Matuzić-Doboj Jug i dao izjavu sa sadržajem: „Ja sam dana 05.03.2022. godine u policiji u Maglaju prijavio svog amidžu R. S. koji povremeno živi u SR Nj., zbog prijetnji koje mi je on uputio u našem razgovoru dana 05.03.2022. godine oko 14,40 sati. S tim u vezi, pod punom krivičnom i materijalnom odgovornošću, bez ikakvog pritiska, ucjene i nagovora bilo koga da to uradim, izjavljujem da ovom izjavom želim da povučem prijavu koju sam podnio protiv svog amidže S.“, o čemu je sačinjen i zapisnik PS Doboj Jug broj: 08-02-11/2-03-2-7-1-05-1/22 od 17.06.2022. godine.

Radnja izvršenja ovog krivičnog djela je ugrožavanje sigurnosti ozbiljnom prijetnjom napad na život ili tijelo određenje osobe, a posljedica je ugrožavanje osjećaja sigurnosti, ugrožavanje prava na nesmetan i miran život, osjećaj uznemorenosti, stvaranje stanja nespokojsva, izazivanje straha i narušavanje osjećaja pravne sigurnosti.

To da je optuženi ugrozio sigurnost R. A. ozbiljnom prijetnjom da će napasti na život ili tijelo istog upućivanjem riječi prijetećeg sadržaja opisano u tački 1. i 2. izreke ove presude proizilazi iz iskaza saslušanih svjedoka R. A. i svjedokinje Ć. A., koji iskazi su potkrepljeni materijalnim dokazima prije svega Zapisnicima o pretresanju njihovog mobilnog telefonskog aparata, te ostalim provedenim materijalnim dokazima, kao i priznanjem optuženog.

U ovakvim radnjama optuženog stekla su se sva bitna obilježja krivičnog djela „Ugrožavanje sigurnosti“ iz člana 183. stav 1. KZ FBiH, pa kako je optuženi bio svjestan svog djela i htio njegovo izvršenje te kako ne postoje okolnosti koje isključuju

krivičnu odgovornost optuženog to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije na strani optuženog sud je cijenio sve okolnosti koje su od uticaja za odmjeravanje kazne. Od olakšavajućih okolnosti sud je našao da je optuženi priznao izvršenje krivičnog djela i time doprinio bržem okončanju krivičnog postupka, odnosno njegovoj ekonomičnosti i efikasnosti, da do sada nije osuđivan, otežavajućih okolnosti sud nije našao, pa cijeneći olakšavajuće okolnosti a uz odsustvo otežavajućih okolnosti sud je optuženom izrekao uvjetnu osudu kojom je utvrdio kaznu zatvora u trajanju od 6 (šest) mjeseci s rokom provjere od 2 (dvije) godine i 6 (šest) mjeseci, smatrajući da će uvjetom osudom kao mjerom upozorenja u cijelosti postići svrha kažnjavanja, kako sa aspekta generalne, tako i sa aspekta specijalne prevencije.

Shodno odredbi člana 199. stav 1. i 2. tačka a) ZKP-a, optuženi se obavezuje na plaćanje troškova krivičnog postupka u iznosu od 51,02 KM, te na ime paušala iznos od 50,00 KM koje optuženi dužan platiti u roku od 30 dana od dana pravosnažnosti presude.

Shodno odredbama člana 212. stav 3. ZKP FBiH oštećeni R. A. sin O. iz M. se sa imovinsko-pravnim zahtjevom upućuje na parnični postupak jer podaci iz spisa ne pružaju pouzdan osnov za potpuno ili djelimično osuđenje imovinsko pravnog zahtjeva.

Na osnovu svega navedenog sud je odlučio kao u izreci ove presude.

PRAVNA POUKA:

Protiv ove presude dozvoljena je žalba
Kantonalnom sudu Zenica u roku od 15
dana od dana prijema presude.

Sudija
Ajanović Besima